

Broj: 09-14-6-3677-7/18
Sarajevo, 05.07.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine, federalna ministrica financija/finansija **d o n o s i**

ODLUKU
o izboru najpovoljnijeg ponuđača za nabavku usluga –
obnova licenci za VMware vCenter i VMware vSphere
za potrebe Federalnog ministarstva financija/finansija

I

U cilju odabira najpovoljnijeg ponuđača, nakon provedenog otvorenog postupka javne nabavke usluga – obnova licenci za VMware vCenter i VMware vSphere za potrebe Federalnog ministarstva financija/finansija, evidencijski broj nabavke: 09-14-6-3677-1/18 od 12.06.2018. godine, broj obavještenja o nabavci sa portala javnih nabavki: 810-1-2-48-3-5/18, sažetak obavještenja objavljen u „Službenom glasniku BiH – Oglasnik javne nabavke“, broj: 40/18, kao prihvatljiva ponuda ocijenjena je ponuda ponuđača:

AVACOM GROUP d.o.o. Mostar, sa ukupnom cijenom ponude bez PDV-a u iznosu 32.225,44 KM.

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-14-6-3677/18 od 04.06.2018. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 50.000,00 KM bez PDV-a i predviđena je Planom javnih nabavki za 2018. godinu Ministarstva, dio II Usluge, pod rednim brojem 3. – obnova licenci za VMware vCenter i VMware vSphere. Obavijest o nabavci, broj: 810-1-2-48-3-5/18 poslana je na objavu 12.06.2018. godine, te je zajedno sa tenderskom dokumentacijom, istog dana objavljena na portalu Javnih nabavki.

Tendersku dokumentaciju preuzelo je 10 privrednih subjekata, a 2 ponuđača dostavila su ponude u predmetnom postupku nabavke. Ponude su dostavljene blagovremeno od strane ponuđača QSS d.o.o. Sarajevo i AVACOM GROUP d.o.o. Mostar.

Komisija za javne nabavke, imenovana Rješenjem, broj: 03-05-1-1669/18 13.03.2018. godine, izvršila je pregled i evaluaciju pristiglih ponuda, te konstatovala da je ponuđač AVACOM GROUP d.o.o. Mostar dostavio prihvatljivu ponudu u predmetnom postupku nabavke, jer ispunjava sve uvjete postavljene tenderskom dokumentacijom.

Ponuda ponuđača QSS d.o.o. Sarajevo, sa registriranim sjedištem u ul. Dejjina Bikića bb, 71 000 Sarajevo, ID broj: 4200103980007, odbačena je kao neprihvatljiva iz sljedećeg razloga: U tački IV Podaci o ponudi podtačka 13. tenderske dokumentacije propisano je da ponuda i svi dokumenti, kao i korespodencija između ponuđača i ugovornog organa moraju biti napisani na jednom od službenih jezika u Bosni i Hercegovini, te da se pri pripremi ponuda ponuđač mora pridržavati zahtjeva iz tenderske dokumentacije.

S tim u vezi, ponuđač QSS d.o.o. Sarajevo je na str. 25. Ponude u svrhu dokazivanja tehničke i profesionalne sposobnosti dostavio Potvrdu MAF (Manufacturers Authorization Form) na engleskom jeziku bez prevoda na jedan od službenih jezika u upotrebi u Bosni i Hercegovini, te stoga Komisija nije prihvatila dostavljeni dokaz kao validan.

Također, traženo je od ponuđača, da u svrhu dokazivanja tehničke i profesionalne sposobnosti, dostavi spisak najmanje tri uredno izvršena ugovora u prethodne tri godine ili od datuma registracije, odnosno od početka poslovanja, ako je ponuđač registriran odnosno počeo s radom prije manje od tri godine, a čiji su karakter i kompleksnost slični onima koji se odnose na predmetnu nabavu, uz Potvrdu druge ugovorne strane o njihovoj uspješnoj realizaciji. U slučaju da se iz objektivnih razloga ne može dobiti takva potvrda od druge ugovorne strane, važi Izjava ponuđača o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju od druge ugovorne strane.

Ponuđač je dostavio spisak izvršenih ugovora (tabelarni prikaz: 6 ugovora) i Molbe za izdavanje potvrda o izvršenim isporukama sa Prijedlogom teksta potvrda upućenih drugim ugovornim stranama sa datumom 27.06.2018. godine. U tenderskoj dokumentaciji, kako je naprijed navedeno, propisano je cit ...“da se u slučaju da se iz objektivnih razloga ne može dobiti takva potvrda od druge ugovorne strane, važi Izjava ponuđača o uredno izvršenim ugovorima itd“...

Komisija je prilikom ocjene ove Ponude, uzela u obzir da je ponuđač QSS preuzeo tendersku dokumentaciju sa portala javnih nabavki 12.06.2018. godine u 14:56 časova, da je sva dokumentacija/dokazi u Ponudi pripremljena ranije, izuzev Molbi za izdavanje traženih potvrda, koje su upućene tek 27.06.2018. godine prema drugim ugovornim stranama i konstatovala da je ponuđač imao dovoljno vremena da prikupi svu dokumentaciju/dokaze tražene tenderskom dokumentacijom.

Komisija je zaključila da ponuđač u konkretnom slučaju nije dokazao da se iz objektivnih razloga ne mogu pribaviti tražene potvrde. U prilog ovome, ide i činjenica, da ponuđač nije tražio da se produži rok za pripremu ponuda, niti je na bilo koji način reagirao, da nema dovoljno vremena za pripremu ponude za konkretan predmet nabave.

Uzimajući u obzir naprijed navedeno, Komisija je ponudu ponuđača QSS d.o.o. Sarajevo odbacila kao neprihvatljivu.

Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-14-6-3677-6/18 od 05.07.2018. godine zajedno sa Preporukom o izboru najpovoljnijeg ponuđača AVACOM GROUP d.o.o. Mostar, sa registriranim sjedištem u ul. Bleiburških žrtava 17c, Mostar, ID broj: 4227150030004.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz tenderske dokumentacije.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu, u skladu sa uvjetima postavljenim u tenderskoj dokumentaciji, a koja ujedno odgovara i procjenjenoj vrijednosti nabavke ugovornog organa.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi putem ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Zalba se podnosi u najmanje 3 (tri) primjerka.



Dostaviti:

1. Ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove
4. a/a